

与坡记集注

卷十五



東坡先生詩集註卷十五

送別

趙德麟餞飲湖上舟中對月

老守惜春意主人畱客情官餘閒日月湖上好清明新

火發茶乳溫風散粥子仁白居易清明詩畱酒闌紅

杏闇日落大堤平揚劉禹錫詩春清夜除燈坐孤舟擘

岸撐逮君憤未墮續晉書庾徵字子嵩於東海王鍼對

此月猶橫

送曾子固倅越得燕字次公以先生詩案考之此熙寧二年詩也堯卿子固

名鞏南豐人嘉祐二年永叔知貢舉子固兄弟四人同登科治平中與東坡同在館中

醉翁門下士雜沓難為賢

倬劉向傳雜沓衆賢罔不肅和

曾子獨超軼

孤芳陋羣妍昔從南方來與翁兩聯翩翁今自憔悴子

去亦宜然

次公醉翁為參政時子固亦在館閣故云兩聯翩

賈誼窮適楚

厚賈誼傳

天子議以誼任公卿之位絳灌之屬皆害之出為長沙太傅長沙楚地也

樂生老思燕

續樂毅去

燕奔趙燕王以其子間為昌國君而毅往來復通燕

那因江鱠美遽厭天庖羶但

苦世論隘聒耳如蜩蟬

次公按先生詩案云送曾鞏詩以譏近來多用刻薄之人議論

鄙隘如蟬之鳴不足聽也師晉嵇康書賓客盈座鳴聲聒耳

安得萬頃池養此橫海

鱣

援賈誼弔屈原賦橫江湖之鱣鯨今固將制於螻蟻厚謝晦詩偉哉橫海鱣壯矣垂天翼李白詩魯國一

杯水難容橫海鱣

王願赴建州錢監求詩及草書

我昔識子自武功寒廳夜語尊酒同

次公武功縣名屬永興軍今之長安

也退之答張徹詩云勤來得晤語勿憚宿寒廳

酒闌燭盡語不盡倦僕立寐僵

屏風

續漢陳萬年病召其子咸教戒于牀下語至夜半咸睡頭觸屏風

丁寧勸學不死

訣自言親受方瞳翁

續南史陶弘景年踰八十而有壯容仙書云眼方者壽千歲弘景未

年一眼有時而方厚真人之目方瞳綠筋貫之有紫光

援李根兩目瞳子皆方仙經說八百歲人瞳子方也次

公拾遺記老叟五人

嗟予聞道不早悟醉夢顛倒隨盲

見老聃其瞳子方

聾邇來憂患苦摧剝意思蕭索如霜蓬美君顏色愈少

壯外慕漸少由中充河車挽水灌腦黑

續黃庭經云北方正氣名河車

仙經云鉛絕河車空所作必無功鉛失河車絕萬事無所出次公道訣云脅腹腰曲綠黃河水逆流河車挽水

蓋搬運之法也

丹砂伏火入頰紅

師道家言服九轉丹砂者爲地行仙安國古嵩子真訣云

大丹第六轉以文武火養一伏時成其伏火朱砂以
楮汁丸如麻子大每日空心酒下三丸駐顏定色 大

梁相逢又東去但道何日辭樊籠師莊子內篇澤雉十
步一啄百步一飲不

蘄蓄乎樊中倬南史楊休之不樂煩職典選
久曰此官寔是自清華但妨吾賞真是樊籠矣未能便乞

峒漏令厚晉葛洪聞交趾出丹砂求為峒漏
令帝不許洪曰非欲求榮以有丹爾官曹似是

錫與銅續晉王徽之為桓冲騎兵參軍
冲問卿署何曹對曰似是馬曹留詩河上慰離

別草書未暇緣匆匆厚晉衛恒傳載張伯英下筆
必為楷則曰匆匆未暇草書

送安惇秀才失解西歸

舊書不厭百回讀熟讀深思子自知續人有從董遇學
者遇不肯教而云

必當先讀百回讀
書百遍而義自見他年名宦恐不免今日棲遲那可追

我昔家居斷還往著書不復窺園葵厚董仲舒為博士
下帷講誦三年不

窺園次公園葵字則使
公儀子拔去園葵也
竭來東遊慕人爵棄去舊學從

兒嬉狂謀謬算百不遂惟有霜鬢來如期故山松柏皆

手種行且拱矣歸何時
厚左傳秦穆公使孟明西乞白乙伐鄭蹇叔哭之公曰爾何知

中壽爾墓之木拱矣萬事早知皆有命十年浪走寧非癡
厚南史沈攸之言

言早知窮達有命恨不十年讀書與君未可較得失臨別惟有長嗟咨

送任伋通判黃州兼寄其兄孜
堯卿孜時為簡州平泉令字師聖伋

字師中皆名士眉人也東坡謂之犬任小任兄弟於慶曆間登第

吾州之豪任公子少年盛壯日千里
續史記田光曰驥盛壯之時一日

而馳千里至其衰老駑馬先之無媒自進誰識之有才不用今老矣別

來十年學不厭讀破萬卷詩愈美
續杜詩讀書破萬卷下筆如有神黃

東坡詩集卷之五
送別

州小郡夾谿谷茆屋數家依竹葦

次公見佛書稻麻竹葦

知命無

憂子何病見賢不薦誰當耻平原老令更可悲

次公此所謂寄

其兄孜也平原則簡州屬縣

六十青衫貧欲死桐鄉遺老至今泣

續前

漢朱邑字仲卿病且死屬其子曰我故桐鄉吏其民愛我必葬我桐鄉後世子孫奉嘗我不如桐鄉民饒按同安志云朱司農廟在桐城縣西南漢書志云大司農朱邑冢在桐城西郭外子仁李白詩云六帝餘古丘樵蘇泣遺

老 穎川大姓誰能筆

援漢書穎川大姓原楮宗族恣橫賓客犯為盜賊前二千石莫

能禽制趙廣漢為太守既至數月誅原楮首惡郡中震慄

因君寄聲問消息莫對黃

鷄矜爪嘴

續退之詩魯連細而黠有似黃鷄子田巴兀老蒼憐汝矜爪嘴

送劉放倅海陵

堯卿邠字貢父嘗為泰州通判

君不見阮嗣宗臧否不挂口

續晉阮籍字嗣宗不拘禮法發言玄遠口不臧否人

物
休誇舌在牙齒牢

援史記楚相遺璧意張儀掠咎數百其妻羞之儀曰視吾舌尚在不在

妻笑曰在也儀曰足矣厚退之詩羨君牙齒牢且潔師按公赴詔獄招此詩譏諷朝廷新法不便不容人直言

不如耳不聞而口不言也

是中惟可飲醇酒

厚南史謝朓為吳興其弟淪於征虜渚送別朓

指淪口曰此中唯宜飲酒

讀書不用多作詩不須工海邊無事日日

醉夢竟不到蓬萊宮

次公杜詩憶獻三賦蓬萊宮

秋風昨夜入庭樹

蓴絲未老君先去

養源齊民要術云羹之菜蓴為第一四月蓴生莖而無葉名雉尾蓴芽甚

肥美葉舒長名絲蓴

君先去幾時回劉郎應白髮桃花開不開

堯卿

劉夢得元和十年自朗州承召至京師戲贈看花諸君

子詩紫陌紅塵拂面來無人不道看花回玄都觀裏桃

千樹盡是劉郎去後栽大中二年三月復來遊作絕句

并引曰予正元二十一年為尚書屯田員外郎時此觀

中未有花木是歲出牧連州尋貶朗州司馬居十年召至京師人人皆言有道士植仙桃滿觀如爍晨霞遂作

詩以志一時之事旋左出牧予今十有四年得為主客
郎中重遊茲觀蕩然無復一樹唯兔葵燕麥動搖春風
耳因再題二十八字以俟後遊詩曰百畝庭中半是苔
桃花落盡菜花開種種桃道士歸何處前度劉郎今再來

送錢藻出守婺州得英字

堯卿藻字醇老

老手便劇郡

師朱邑傳云遠守劇郡

高懷厭承明

續嚴助為會稽太守上賜書曰

君厭承明之廬勞侍從之事懷故鄉出為郡吏

聊紆東陽綬

續婺州故東陽郡

一濯滄

浪纓東陽佳山水

厚劉禹錫詩東陽自是佳山水何況曾經沈隱侯信民韻語陽秋云東陽

峴山去縣三里舊名三丘山

未到意已清過家父老喜

次公後漢岑彭傳有詔過

冢

出郭壺漿迎子行得所願愴恨居者情吾君方急

賢日盱坐邇英

邇英閣名堯卿宋景文詩太極洪樞暇西清秘閣開文從壁府出輦自殿中來

蓋謂是也

黃金招樂毅

續燕昭王置千金于臺上以延天下士謂之黃金臺於是樂毅往燕委質

為白壁賜虞卿

援史記虞卿躡屩擔簦說趙孝成王一見賜黃金百鎰白壁一雙再見爵上卿

子不少自貶陳義空崢嶸

厚孔子世家子貢曰夫子之道至大也故天下莫能容夫

子盍少貶焉
續莊子楚王反國賞國人屠羊說不受
王曰屠羊說陳義甚高堯卿子美詩崢嶸吐高論

古

稱為郡樂漸恐煩敲榜臨分不敢盡醉語醒還驚

師按公赴

詔獄招此詩言行青苗助役不免用鞭箠催促醉中道此醒後還驚恐得罪以譏諷朝廷立法不便之故

送呂希道知和州

堯卿希道乃文穆之後

去年送君守解梁今年送君守樞陽

次公樞陽和州也

年年送

人作太守

續世說襄陽羅友好學嗜酒桓溫雖以才遇之許而不用人有得郡者溫為席送別友亦

被命至尤遲晚溫問之答曰旦出門逢一鬼擲榆云我只見汝送人作郡不曾見人送汝作郡遂慙怖却回不

覺淹緩溫心愧焉
後以為襄陽太守坐受塵土堆胷腸君家聯翩三將相

堯卿蒙正謚文穆本朝名相其姪曰夷簡夷簡之子曰公著皆為將相

富貴未已今方將

鳳雛驥子生有種

厚杜詩寶侍御驥之子鳳之雛年未三十忠義俱堯卿龐統者德公之從

子也德公謂統為鳳雛晉陸雲幼時吳尚書閔鴻見而奇之曰此兒若非龍駒當是鳳雛北齊裴景鸞景鴻河

東聞喜人並有逸才毛骨往往傳諸郎

堯卿晉宋時江左謂王謝子弟

為鳥衣諸郎

觀君岵鬱負奇表便合劒佩趨明光胡為小郡

屢奔走征馬未解風帆張我生本自便江海忍耻未去

猶彷徨無言贈君有長歎美哉河水空洋洋

厚孔子將西見趙簡

子至于河而聞竇鳴犢舜華之死也臨河歎曰美哉河水洋洋乎吾之不濟命也夫

送文與可出守陵州

堯卿與可名同梓州鹽亭縣人皇祐元年馮京榜及第

壁上墨君不解語

次公晉人以卿為常以君為重命竹謂之君者王子猷也子猷常寄居空

宅中便令種竹或問其故但嘯咏指竹曰何可一用無
此君邪此子猷命竹謂之君也文與可善墨竹今先生
又呼墨竹為墨君蓋
嘗作墨君堂記云
見之尚可銷百憂而况我友似君

者素節凜凜欺霜秋清詩健筆何足數
次公杜詩清詩近道要又云健

筆凌鸚鵡逍遙齊物追莊周奪官遣去不自覺曉梳脫髮誰

能收江邊亂山赤如赭
次公史記秦始皇伐山樹赭其山陵陽正在千

山頭知君遠別懷抱惡時遣墨君消我愁

送劉道原歸觀南康
堯卿道原名恕廬州人熙寧二年為秘書丞編修文字

晏嬰不滿六尺長
厚史記晏子御者之妻語其夫曰晏子長不滿六尺身相齊國名顯諸侯

高節萬仞凌首陽
續齊崔杼弑莊公立景公而相之盟國人曰所不與崔慶者讀未終晏子

抄易其詞曰嬰所不唯忠於君利社稷者是與有如上帝乃軟首陽伯夷叔齊也青衫白髮不

自歎富貴在天那得忙十年閉戶樂幽獨百金購書收

散亡竭來東觀弄丹墨聊借舊史誅姦彊次公東觀言道原之為史

官也後漢述孔融不肯下曹操續融見操雄詐漸著數不能堪故發詞徧宕多

史於東觀致乖致乖汲黯本自輕張湯援張湯深文苛刻黯罵曰天下謂刀筆吏不可為公卿果然必

也湯雖無尺筆當寸刃口吻排擊含風霜自言靜中閱世

俗有似不飲觀酒狂衣巾狼藉又屢舞任蓋寬饒曰我乃酒狂詩云屢

舞傲傲屢舞傴傴傍人大笑供千場交朋翩翩去略盡惟我與

子猶彷徨世人共棄君獨厚豈敢自愛恐子傷朝來告

別驚何速歸意已逐征鴻翔匡廬先生古君子堯卿匡廬先生

道原父也致仕挂冠兩紀鬢未蒼援晉陶弘景挂冠神武門定將文

二十餘年矣

度置膝上

續晉王述愛其子坦之雖長大猶抱置膝上文度坦之字

喜動鄰里烹猪

牟

續古樂府木蘭歌鄰里喜我歸磨刀霍霍向猪牟

君歸爲我道姓字幅巾他

日容登堂

厚東漢符融遊太學師事少府李膺膺風性高簡嘗每見融輒絕他賓客聽其言論融幅

巾奮袖談辭如雲

送張安道赴南都留臺

我公古仙伯

次公道科有仙卿仙伯如集仙錄大茅君傳有云紫陽左公太極仙伯是也堯卿神

仙王知遠母夢靈鳳集因而有娠僧寶誌曰生子當爲神仙宗伯其後知遠謂弟子曰吾漸游洞府仙曹除吾

爲少室仙伯

超然羨門姿

續西漢郊祀志始皇東遊海上求仙人羨門之屬應劭曰羨門名子

高古仙人也堯卿紫陽真人周義山入蒙山遇羨門子乘白鹿執羽蓋佩青旄之節侍從十餘玉女真人乃再

拜叩頭乞長生要訣羨門子曰子名在丹臺玉室中何憂不仙先生以安道有仙風道骨故云耳

偶懷

濟物志遂為世所縻黃龍遊帝郊簫韶鳳來儀

厚禮記龜龍在

郊數揚雄傳鳳皇巢其樹黃龍遊其沼書簫韶九成鳳皇來儀

終然反溟極豈復安籠

池

次公晉潘安仁云池魚籠鳥

出入四十年憂患未嘗辭一言有歸

意闔府諫莫移吾君信英睿搜士及非次

堯卿當時神宗皇帝

無

人長者側何以安子思歸來掃一室

次公後漢陳蕃嘗間處一室而庭宇

蕪

薛勤謂蕃曰孺子何不灑掃以待賓客曰大丈夫當掃除天下安事一室乎

虛白以自怡

續莊子虛室生白吉祥至止

遊於物之初

厚莊子吾遊于物之初

世俗安得知

我亦世味薄因循鬢生絲出處良細事從公當有時

潁州初別子由二首

堯卿熙寧四年十月公赴杭州通判時黃門送至潁州別

征帆掛西風別淚滴清潁留連知無益惜此須臾景我

生三度別

堯卿與黃門初別于鄭州門外次別鄭州今別潁州

此別尤酸冷念子

似先君木訥剛且靜寡辭真吉人介石乃機警

續易吉人之辭

寡又曰介于石不終日貞吉師按公赴詔獄招此詩言弟曾爭議新法不合乞罷既美其去果決亦是譏新法

之不便也

至今天下士去莫如子猛嗟我久病狂意行無坎

井有如醉且墜

續莊子醉者之墜車雖疾不死其神全也

幸未傷輒醒從今

得閒暇默坐消日永作詩解子憂持用日三省

近別不改容遠別涕沾曾咫尺不相見實與千里同人

生無別離誰知恩愛重始我來宛丘牽衣舞兒童便知

有此恨留我過秋風秋風亦已過別恨終無窮問我何

年歸我言歲在東

堯卿歲在東辰卯年也

離合既循環憂喜迭相

攻悟此長太息我生如飛蓬多憂髮早白不見六一翁

師歐陽公自號六一居士云吾家藏書三代以來金石遺文一千卷有琴一張有碁一局有酒一壺而吾身處其間是為六一

壽州李定少卿出餞城東龍潭上

山鷗噪處古靈湫亂沫浮涎遶客舟

無逸延平志云苦竹潭在尤溪縣西

四十五里潭有五龍人常見之有漁者棹舟潭上龍吐涎沫舟膠不能進自辰至午涎沫漸泮遂獲免焉

未

暇燃犀照奇鬼

次公燃犀見仙遊潭詩注奇鬼字出張平子思玄賦注曰梁北部有奇鬼善效

人之子姪

欲將燒燕出潛蚪

緡燕肉水族嗜之今釣魚聚蛇其術多以燕肉次公

梁四公記載震澤洞事杰公曰龍畏蠟愛美玉及空青而嗜燕啓之武帝燒燕五百枚教羅子春以燒燕徃而得寶珠蜀都賦下高鵠出潛蚪邦衡物類相感志云龍之為性麤猛而畏鐵愛玉及空青而嗜燒燕肉故食燕